



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Octavi. De rebus, quas in eleemosynam erogare licet, vel non licet.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

ficia: usque adeò tenuia, ut miserè vicitando vix inde se alere queant, quæ hinc comparcunt, & in vita, & in morte quoque, cuicunque voluerint, donare vel legare posse, perinde ac si essent mera patrimonialia: verum de his non est hic disputandi locus.

S O L V M hic explicandum restat, an Capitulorum Præpositi, accedente quorundam, et si non omnium, consensu, ex communibus Capituli bonis eleemosynam largiri iure possint. Ad quod breuiter respondemus, de bonis, quæ inter singulos, ex æquo, vel pro meritorum ratione diuidi debent, nisi singuli, quorum interest, approbent, legitimè id facere non posse. Nam quod ad omnes pertinet, ab omnibus approbari debet. Secludimus hinc semper oppositas consuetudines, sicuti obtinuerunt: Tum extremam rursum, vel quasi extremam pauperum egestatem; Tum non vulgarem denique Ecclesiæ vel Reipub, necessitatem. Nam ubi aliquid istiusmodi interuenerit, ibi Collegio, vel maiori illius parti, liberius de communi censu disponere potestas erit, præsertim si, qui, ne id fiat, obnituntur, nullius necessariæ rei indigent. Quandoquidem si ipsis æquè egerent, atque illi, quibus ex communibus bonis prospicitur, potius illorum quam horum rationem habere oportebit.

P O R R O autem post factam inter singulos Canonicos, vel collegas diuisionem; si qua adhuc sunt reliqua, quæ non asservantur in priuatam singulorum; sed ad aliquam communem vel publicam utilitatem, ea Collegium vel maior illius pars in eleemosynam, vel aliud religiosum opus iure conuertere potest, etiam si singuli collegæ vel socij non assentiantur; Siquidem in eiusmodi sat est, si maior Collegij portio sua voluntate accederit. Quod hic dictum est de Collegio Clericorum vel Canonicorū, hoc ipsum de mercatorum vel aliorum quoque ex æquo aliqua in re participantium societate, vel communitate accipi potest: æqua enim in iis omnibus appetit ratio. Et hec de iis breuiter, qui eleemosynam dare possunt; proximum est, vt de rebus vel bonis, quæ ordinariè vel extraordinariè in eleemosynarum materiam verti queant, paucis quoque differamus.

Derebus, quas in eleemosynam erogare licet, vel non licet.

C A P V T O C T A V V M.

E T S I

Quod ad omnes
pertinet, ab omni-
bus approbari
debet.

Quid collegij,
vel maior illius
pars possit in bo-
nis collegio com-
munibus.

ET si ex iis, quæ hactenus exposita sunt, colliguntur cuncte queat, quid in eleemosynæ materiam verti possit, quid item non possit; attamen res hæc non parum certior illustriorque euadet, si seorsum nonnulla de eleemosynaria materia differetur. Primò itaque certum hic pono, neminem id in pauperes impendere debere, quod suæ suorumque vitæ absolutè est necessarium; etiam si qui obuij sunt, quos extrema vel quasi extrema miseria tetet. Nam etsi proximo grauiter laboranti subueniendum sit, ordinaria tamen lege nullus cum propriæ vitæ periculo illi subuenire obligatur: Nisi forsitan quispiam eiusmodi casus sese offerret, qui proximi vitam vitæ proprie anteferre suaderet.

Æquum certum existimo, illa in vulgares pauperes erogare communiter non licere, citra quæ status honestas salua consistere non valet: Videtur namq; absurdum, & à recta ratione prorsus alienum, citra villam causam, aut vrgem necessitatem, se suosq; dedecori exponere. Liceret id autem & quidem cum laude, si insignis Ecclesiæ vel Reipub. utilitas, vel magni cuiuspiam viri necessitas id postularet; vel si quispiam per monastices professionem statum mutare decreuisset. Certum est tandem, si bene parta nulla ad manum sunt, iis qui extrema inopia premuntur, ex male partis opem ferre nefas non esse. Horum omnium ratio iamdudum antea reddita est, neque sunt isthac nunc fusiūs pertractanda.

VERVMEN I M VERO licet extrema egestate laborantes ex quibuslibet male partis, si bene parta nulla adsint, sublenare licet, in communes tamen pauperes, quales inter ceteros sunt pannosi illi, qui stipem viritim corradunt, aut panem ostiatim querunt, & alij præterea quam plurimi, qui pro conditionis suæ ratione, maioribus præsidiis indigent, non qualibet male parta exponere fas fuerit.

DICIMVS, non quævis male parta in communes pauperes exponere fas esse. Siquidem male partorum non una & simplex est ratio, sed multiplex admodum & varia. Etenim sunt quædam inter illa, quæ certos dominos agnoscunt; ut ea omnia, quæ per furtum, rapinam, fraudem, vim, usuram, aliisque ciuismodi viâ exportata sunt. Sunt alia rursum tantæ iniquitatis, ut nec illi, qui expo-

I 2 fuerat

Nemo ordina-
ria lege vitam p-
alterius vita im-
pendere obliga-
tur.

Quæ status ho-
nestas depolit,
in vulgares pau-
peres exponi nō
deberent.

Non quævis ma-
le parta in quo-
uis egenos ero-
gare licet.

Male partorum,
non una & sim-
plex est ratio,
sed multiplex.

suerat, reddi debeant; neque ab illo rursum, qui acceperat, iure retineri queant. Eius generis sunt, quæ ex sacrorum aut sacerdotorum nundinatione, ex depravato iudicio, ex falso testimonio, ex coempto innocentis sanguine vel cæde proueniunt; & ea præterea omnia, quæ in manifestam alterius iniuriam exponuntur. Sunt demum, quæ licet per fraudem, aut vim extorta non sunt, neque in tertij quoque præiudicium exposita sunt, data tamen vicissimque accepta sunt ob rem in se turpem, diuinaque vel humana lege veritam. Talia sunt ea ferè, quæ obueniunt ex ludo iure inhibito, ex contractibus ratione loci, temporis, aut personæ interdictis, (neque enim cum quibuslibet, nec quouis loco, neque quouis quoque tempore negotiari licet) ex proprij corporis vigatione, aliisque similibus turpibus commerciis.

Triplex maledictiorum genus.

Per eleemosynam transferuntur rei dominium.

Grauitate passim erratur in materia restitutionis & eleemosynarum.

Res primi generis, quod simpliciter sint alienæ, citra extremam egestatem in eleemosynam verti non possunt: Siquidem per eleemosynam transferetur dominium, ut quæ in gratuita & libera rei cuiuspiam ad vitam vel personam necessaria donatione posita sit, hoc autem in alterum is iure transferre non valet, qui illo caret. Secundi, quod neque retineri, neq; illis, qui dederant, restitui debeant, in egenos, vel in eos sanè, in quorum iniuriam, vel pernicie expositæ fuerant, conferri debent. Tertij & retinere, & in eleemosynam, vel aliam honestam causam erogare licet; nisi forsan ob scandalum, aut publicum probrum peculiari aliqua lege aliud cautum extaret: Constat enim Mosaicam legem prostitutæ donum ad Corbonam non admisisse.

Et hæc de rebus, ex quibus eleemosynam donare licet, vel non licet, generatim exposita sat esse poterant; maximè quod accurata huiusc rei tractatio alium locum depositat. Verum quod partim à rudibus, partim quoque à sæculi huius prudentibus grauiter persæpe hic erretur: (Sunt enim, qui officio abunde satis fecisse existimant, si decimam, vel minorem etiam illorum partem, quæ nullo iure iustœ titulo possident, inter pauperes distribuant: Alij, qui sat esse persuasum habent, si nulla facta restitutione, ab inquis contractibus & artibus in posterum abstineant: Nonnulli, qui rem magnam se præstitisse arbitrantur, si id totum, quod fœnore vel fraude extorserant, in eleemosynas, vel alias pias causas dispensent: Alij demum, qui alia via & ratione, à veritate

veritate & equitate aberrant) profuturum iudicauit, si pauca quædam seorsum de predictis malè partorum generibus hoc loco attingerem.

I G I T V R quod nihil ex iis omnibus, quæ per rapinam vel furtum ablata sunt, in pauperes intra extremæ egestatis terminos constitutos, vel alias pias causas exponere liceat, id apud eruditos non minus certum est, quam certum est, furtum peccatum esse, diuina, humana, naturaliꝝ; lege severissimè inhibitum; hoc autem apud omnes est certissimum. Neque est, quod iniustæ acceptio noxam per hoc apud equissimum iudicem purgatueros sperent, quod totum, vel partem accepti in egenos se erogasse allegant. Nam iniustè semel rapta abalienare, non est rapinæ flagitiū eluerre aut eleuare; sed certa quadam ratione aggrauare. Cōstat enim, qui rapta abalienant, rei ablatae dominum gemina quodammodo iniuria afficere: Una, quia rem illius per vim vel fraudem inuidunt: Altera, quia eandem per vim iam occupatam, quasi propriam in alios distrahunt; adeoꝝ; qui læso quandoꝝ; satisfaciant, si non omnino impotentes, planè difficiles atq; inhabiles se reddunt. Quandoquidem si ea, quæ per vim vel furtum abstulerant, non reddebat, cum crita suum detrimentum reddere poterant; (quod utique poterant, cum rem adhuc integrum apud se detinebant) multò minus reddēt, cum iam crita suum damnum reddere non valent.

A C C E D I T hoc quoque, quæ abalienantur, eiusmodi aliquando esse, vt vix vlo precio instaurari valeant: Non quod res ablatae secundum se maximi sint valoris, sed quod Domino fuerant charissimæ. Nullo itaque modo diuinæ, aut humanæ, aut naturali legi faciunt satis, qui quod olim in proprium usum cum proximi iniuria rapuerant, postea falsa quadam pœnitudine ducti, in pauperes erogant. Nisi iij forsan, quibus abstulerant, vel legitimi eorum hæredes amplius in rerum natura non existant, aut ita certè remotè positi sint, vt nullus ferè ad eos aditus pateat. Nam vbi hæc usu venirent, aliud consilium inire licet.

S E D nec illi quoque à furti crimine alieni censendi sunt, qui non eo animo diuitibus fraudem se facere asserunt, quod ipsi inde ditiores euadant, sed quod pauperum miseriam, quam diuites floccifacere causantur, hac ratione subleuant. Nam etsi tales iniusti-

Per furtū, vim,
vel fraudē ab-
lata in elemosy
non cōverti nō
possunt.

Accidit nonnā-
quā, vt per fur-
tum ablata in
pauperes expo-
nere liceat.

Nullo modo ab
iniustitia, excu-
sari possunt, qui
diuites quovis

modo expilant,
aut defraudant,
vt pauperes sub-
leuent.

tiam suam apud rudes rerum aestimatores excusare vtcunq; for-
tassis queant, apud prudentes tamen, maximè verò apud iudicē
illum, quem nemo fallere potest, & què in raptorum aut furtū nu-
mero habebuntur ac illi, qui proprij compendij causa furtum, vel
rapinam exercēt. Et quidem è iustiùs istud haberri poterunt, quò
clariùs constiterit, ipsis propria non defuisse, vel non deesse, qui-
bus pauperum inopiam subleuare potuissent, & possent, si voluis-
sent aut vellet; quóq; maiorem, hoc pietatis prætextu improbis
ad furtā & rapinas fenestram patefaciunt.

Forte 14 q. 5.

Non est 1. q. 1.
Li. 3. c. 9. offici.

Homil. 36. ad
Antioch.
Patri tentatio
aduersus eos, qui
furātur vel frau-
dem tacunt, vt
eleemosynā do-
cent.

Ecli. 5. 8.

Tob. 4.
Luc. 16.

Dever. Domi-
nici 35.

D e hac ficta misericordia (neq; enim vera dici potest, quæ cū
summa proximi iniuria cōiuncta est) Diuus Augustinus alicubi in
hunc modū scribit: Fortè aliquis cogitat, & dicit: Multi sunt Chri-
stiani diuities, auari, cupidi, non habeo peccatum si suum illis abs-
tulero, & pauperibus dedero: Vnde enim illini nihil boni agunt, mer-
cedem habere potero. Sed eiusmodi cogitatio ei, diaboli callidi-
tate suggesta: Nam si totum tribuat pauperibus, quod abstulerat,
addit potius peccatum, quam minuit. Cognatū huic est illud

Gregorij: Qui hac intētione malè accipit, vt bene dispenset, gra-
natur potius, quam iuuetur. Et illud Ambrosij: Non probatur lar-
gitas, si quis, quod alteri largitur, alteri extorqueat. Et illud Chry-
ostomi: Si propterea rapis, vt miscrearis, nihil hac eleemosyna
peius. Cùm enim ex rapina nascatur, eleemosyna nō est; sed quæ-
dam saevitia & crudelitas, & in D E V U M contumelia. Et illud tan-
dem Isidori: De rapinis eleemosynam facere, non est officium
miserationis, sed emolumentum magni sceleris. Similia plurima
comperias apud alios veteres Theologos.

Q uia itaque salubriter vult misereri, Spiritus sancti consilium
sequutus, de suis misereatur. Quid enim ait ille? Frange esurientia pa-
nem tuum, nō alienum. Item: Egenos vagosq; induc in domum tuam; non
in alienam, vel per vim occupatam. Item: Ex substantia tua fac eleemo-
synam; non ex aliena. Suadet sanè Dominus, vt amicos nobis pa-
remus de mammona iniquitatis, verū illud cōsilium ad quidvis
potius nos inuitat quam ad rapinam, aut furtum, aut ad quamvis
aliam fraudem; tametsi quidam, vt Author est Augustinus, in eo
sensu acceperint. Tendit autem ad id, quod antè iam præmiserat,
nempe ad pauperum curam, salutaremq; eorum, quæ vsibus no-
stris necessaria non sunt, in egenorum usum distributionē. Vocat
autem

autem diuitias mammona inquiratis, quia, ut placet Ambrosio, variis illecebris nostros tentant affectus; vel quia ex prædecessoribus, quibus patrimonio succedis, aliquis reperitur, qui iniuste usurpanit aliena, quamvis tu nescis: vel mammona iniquitatis dicitur, quia inæqualiter prouenit; vnum enim abundat, alius eget; & idem modò eget, modò abundat.

PER furtum vel rapinam occupatis cognata sunt ea, quæ per fraudem comparantur: Siue ea fraus contigerit in rei substantia, siue in eiusdem qualitate, vel quantitate: vt si vendatur stannum pro argento; aut aurichalcum pro auro; aut corruptum pro integro; vel mixtum pro puro. Tum ea rursum, quæ extorquentur per iustum metum; cuiusmodi is esse definitur, qui constantem virum concutere natus est. Tum ea tandem, quæ capiuntur ex usurᾳ vel Simonia.

INTER CEDIT tamen inter duo hæc postrema nonnullum discrimen. Nam cùm fœnora in usurarij dominium non transerant, vel certè cum restitutionis onere transeant; neque in pauperes, neque in villas alias pias causas conuertere illa licet; Sunt autem integrè illi renumeranda, qui numerarāt, etiam si is certò promiserat, se ea nunquam, neque per se, neque per alterum repetiturum. At verò, quæ ex Simonia aut quorumlibet sacrorum nundinatione prouenient, si nundinatio consummata erat, ea non ipsi, qui exposuerat, restitui debent; sed Ecclesiæ, in qua, vel contra quam sacrilegium illud admissum fuerat. Possent hæc ipsa tamen, præsertim si loci ordinario, vel prudenti confessario ita videretur, in eleemosynam, vel in aliud pium & religiosum opus exponi.

Quod de Simoniaca pecunia hic afferitur, hoc ipsum de ea quoq; assertum intelligatur, quā sifa vel maleficium parit. Quare quicunq; mercedem accipit, vt insontē vel sotentem quoq; priuata auctoritate occidat, aut vulneret, aut quouis alio dāno, dedecore, vel iniuria afficiat, si spiritu Dei tactus quādoq; resipiscat, neq; innoxij sanguinis precium retinere; neq; illi quoque, à quo accepferat, restituere debet; sed vel in pauperes erogare, vel in illos cōferre, in quorum perniciem acceperat.

IDEM non iniuria de ea mercede statuunt Theologi, qua proximè in CHRISTI Redemptoris nostri contumeliam expōnitur:

Lib. 7. in Euseb.
Cur diuitiae appellentur mammona iniquitatis.

Non eadem corū ratio, quæ p. Simoniā & usūram sunt accēpta.

Quod Simonia, q. sifa, quod faci legi, quod contumelia DEO vel diuis irrogata parit, hoc vel egenis, vel ii imperciendum est, in quorum iniuriā expōsum fuit.

nitur: Ut si quis alterum precio inducat, ut abiurata fide Christiana in Iudeorum vel Paganorum, vel in aliquam hæreticorum Sectam transeat, vel familiaritatem cum Dæmone ineat, vel ut conuictum in D E V M, vel diuos euomat, aut venerandas illorum iconas, aut sacras eorundem reliquias prophaneat. Qualia sacrilegia non pauca infelici hac nostra ætate in diuersis orbis partibus propter peccata nostra designata sunt, & nisi D E V S ex alto nos respexerit, plura fortassis adhuc designabuntur.

AD idem caput referri solent, quæ iudicibus supra constitutam mercedem nonnunquam dependuntur. Nec iniuria: nam quicunque Iudex, munus, præter constitutum stipendium ab alterutra litigantium parte exigit; vel exigit & accipit illud, vt iudicet, vel vt iustè iudicet, vel vt iniustè iudicet, vel vt non iudicet. Si vt iudicet, quod aliás fortè iudicare, hoc est, causam cognoscere, vel sententiam ferre nolle; non poterit acceptum iure retinere: Siquidem ex officio iudicare tenebatur; atq; ita ab eo, qui dederat, iustè repeti potest. Sin autem premium exigit & accipit, ne iudicet, vel vt male iudicet; neq; danti reposcere, neq; illi, qui acceperat, retinere fas est: nam æquè turpiter datum & acceptū est. Erit autem tum, vel in pauperum, vel in eorum vsum expendendum, in quorum iniuriam erogatum fuerat. Quod si verò donatur, vt iustè iudicet, adhuc turpiter accipitur: Siquidem iura iudicia iusta vendere non permittunt. Atque ita quicquid hac ratione acceptum fuerat, id vel illi assignandum erit, qui dederat; vel illi, in cuius præjudicium datum fuerat, vel certè omnium Domino in suis membris, hoc est, egenis.

Vt iudex id retinere non potest, quod accepit, vt non iudicet, vel malitiæ dicer, ita nec testimoniis quoque id, quod accepit, vt nullum, vel falsum testimonianter frater.

Quæ de iudicium supra iustum stipendium exactionibus hoc loco dicuntur, ea omnia, certa quadam ratione, de testibus quoque tradita accipientur. Nam Iudex & testimoniis ea in re æquiparantur, hoc solo excepto, quod grauius plerunque hic peccet testimoniis quam Iudex: Siquidem iudicis iniquitati per accusationem, vel legitimam ad superiorem Iudicem appellationem obuiam iri potest; testimoniis autem neutro modo commodè. Nam si is veritati testimonium perhibere, aut iustitiæ patrocinium præstare nolit, quid cum eo agas?

Cv m extraordinariis, adeoque inquis indicum & testimoniis extorsionibus, magnam affinitatem habent ea, quæ nonnulli auari medici,

medici, vel iniqui causarum patroni morbi grauitatem, vel causæ difficultatem supra modum exaggerantes, vltra debitum nonnūquam emungunt. Debitum autem voco, non quod causidici, vel medici iniquitas postulat; sed quod lex, vel loci consuetudo, vel prudētum iudicium pro causæ, vel morbi ratione æquum censet. Exemplo rem hanc declaro.

ACCERSITVR medicus vel chirurgus ad ægrum, morbo nō admodum periculoſo affectum; ille verò ex alieno incommodo quæſtum quærens, morbi malitiam & vim vsque adeò exaggerat, vt de ægri ſalute actum videri queat. Rogatur, si quid confilij vel auxilij ſuperſit, ne miſero deſit; fore enim gratiſſimum, ſi ab im-pendentि vitæ diſcrimine, induſtria illius, eripiatur. Infert medi-cus, tametí parum ſpeſ reliquum fit, ſe tamen facturum & tenta-turum omnia, idque omnino gratis, ſi fortè conatus minùs fel-i-citer ſuccederit. Quòd ſi verò laboré in rem fuſceperit, ægrumq; priſting sanitati reſtituerit, tum demum id ſe expectaturum, quod iure ab eo expeſtari poſſit, qui alterius ope & induſtria è mortis fauibus eruptus fuerat.

PARTI modo clientulus quispam contra antagonistā, quem versipellem fortè naeſtus eſt, fidum patronum querit. Incidit in Titium, cui totum controuersiæ ſtatum bona fide exponit. Ille Mæuij clientuli ſui ſimplicitate abutens, omnia iuris & æquita-tis principia & firmamenta, quibus Mæuij cauſa nitebatur, im-pugnat, quantaque vi potest, clientulum ſuum, quem erigere de-buit, in desperationem adducit. Ille ne tantam iacturam faciat, animo conſternatus rogar, auxilium implorat, montes aureos, ſi victoriā obtineat, ſpondet. Titius exoratus promittit ope-ram ſuam, ſed ea lege, vt ſi cauſam planè desperatam euincat, tantum, puta tertiam vel quartam ſummæ, de qua lis erat, par-tem ferat: Sin autem cauſa cadat, id quod omnino futurum ominatur, niſi ſummam diligentiam adhibeat, pro induſtria & opera impensa, nihil prorsus, mercedis loco accipiat. Iam quic-quid eiusmodi artibus ab ægris vel clientulis vltra iustum labo-ri precium emungitur, in eleemosynam vel aliud pium opus im-pendi non debet; ſed illis, quibus fraudulenter & quaſi per vim ademptum fuerat, integrè reſtitui.

K

INVEN-

Medicorū quo-rundam praxis
& ars.

Caufidicorum
quo-rundam ars
& praxis.

Quæcumq; à me-dicis vel caufidi-cis, vel alii qui-bulſiq; arte vel fraude ſupra de-bitū extorquē-tur, ea in eleemo-synam verti no-n poſſunt.

Inuēta, quæ nullius certi sunt Domini, neque antè fuerunt; vt sunt gemmæ vel vniones in littore maris cōperti; aurum vel argentum è terræ visceribus erutum, & alia eiusmodi vibili-
bet inuenta: Tum ea etiam, quæ olim quidem fuerant certi cu-
iuspam Domini, nunc tamen pro derelictis habentur, & pro
eiusmodi haberī certò dignoscuntur, quòd ipsa inuentione in in-
uentorum ius dominiumque concedant, cùm in eleemosynam,
tum in proprium quoque usum conuerti possunt. Nisi forsan
peculiari aliqua lege aliud alicubi cautum extet; vel consuetu-
do aliud alicubi obtineat. Constat enim, quibusdam in locis the-
sauros casu repertos, vel aliquam certè illorum partem princi-
pum fisco addici.

Quæ certi alicuius Domini sunt, vel prox-
imè fuerunt, neque pro derelictis adhuc habentur, ea neque in
proprium commodum, neque in pauperum alimentum trans-
ferre licet, nisi forsan omni, quā oportuit, adhibita diligentia, veri
illorum Domini inueniri non queant, vel tantum distent, vt faci-
lem accessum nō admittant. Nam ybi horum alterutrum milita-
ret, ibi inuenta in eleemosynarum materiam vertere citra noxam
liceret. Denique, si qua sunt alia, vt sunt sanè multa, quæ non mo-
dò iniustè parantur; sed iniusto quoque titulo possidentur, illa in
eleemosynam exponi non possunt; sed iis reddenda sunt, qui-
bus iniquè crepta fuerant. Verum quæ ita in honestè quæruntur,
vt tamen cùm proximi iniuria, aut D E I offensa non deti-
neantur, illa, vt cætera honestè quæsita, si propriis usibus necessa-
ria non sunt, salubriter in eleemosynas, vel alias pias causas ero-
gantur.

Merces meretri-
cia restituti-
onē est ob-
noxia, & tunc in
eleemosynā ver-
ti nequit.

Contra vero, quæ certi alicuius Domini sunt, vel prox-
imè fuerunt, neque pro derelictis adhuc habentur, ea neque in
proprium commodum, neque in pauperum alimentum trans-
ferre licet, nisi forsan omni, quā oportuit, adhibita diligentia, veri
illorum Domini inueniri non queant, vel tantum distent, vt faci-
lem accessum nō admittant. Nam ybi horum alterutrum milita-
ret, ibi inuenta in eleemosynarum materiam vertere citra noxam
liceret. Denique, si qua sunt alia, vt sunt sanè multa, quæ non mo-
dò iniustè parantur; sed iniusto quoque titulo possidentur, illa in
eleemosynam exponi non possunt; sed iis reddenda sunt, qui-
bus iniquè crepta fuerant. Verum quæ ita in honestè quæruntur,
vt tamen cùm proximi iniuria, aut D E I offensa non deti-
neantur, illa, vt cætera honestè quæsita, si propriis usibus necessa-
ria non sunt, salubriter in eleemosynas, vel alias pias causas ero-
gantur.

Quare licet prostibuli merces apud altare locum non ha-
beat, (nisi forsan res fuerit occulta, & mulier antè peccatrix per
veram vitæ mutationem ad D E I iam conuersa) habet tamen
locum, & quidem iustum & opportunum in eleemosynaria da-
tione. Fallit hoc nihilominus, dum vulgata pudicitia fœmina ex
eo quæstum concipit, qui abalienare non potest; siue quòd nihil
propri posideat; siue quòd sui iuris, aut mentis compos non e-
xistat; siue quòd suis blandimentis plus æquo extorqueat. Quod
de scorto vulgato hic dicitur, hoc de Moecha, Lenone, totóq; illo
turpium ac flagitiosorum hominum grege dictum accipiatur: Si-
quidem

quidem hi omnes ita turpem quæstum faciunt, ut turpi tamen cōmercio quæstum non prorsus iniustè possideant: siue ea æquitas proueniat ex operarum locatione; siue ex libera donatione; siue ex vtroque simul, quod nobis fit verisimilius.

CVM Lenorum turpitudine haud obscurum symbolum gerunt Mimi, Histriones, Principum assentatores, pluresque eius farinæ alij. Quapropter licet tam ipsi quām ipsorum quæstus publicè turpes infamesque habeantur; nec ipsi solūm, sed alij præterea omnes, qui cum ipsis faciunt, eorundemque familiaritatem & amicitiam colunt, attamen quod restitutio obnoxium non sit, quod ex infami illa arte corradiunt, licebit illud integrè, vel ex parte in egenorum victum exponere. Idem de eo statuunt veteres, quod venatio parit. Illi enim non eam tantum, quæ cum pauperum & insontium oppressione coniuncta est; & alteram illam, quæ cum efferatis beluis non absque vita salutisque discrimine in circo vel arena exerceri solita est, apertè damnat; sed eam etiā, quam vulgo saltuariam appellant, parum laudant.

FATENDVM est tamen, eiusmodi venationem secundūm se illicitam non esse. Qui enim aliam artem nullam callent, neque aliunde q̄ ex venatione alere se valent, non peccant, si ex instituto venationi vacant. Certum est quoque, viros principes, & alios quoque inferioris ordinis nobiles, quod corpus exerceant, honesteque sese recreent, in saltibus, & syluis, & aliis quibuslibet locis iurisdictioni suæ subiectis, licet venationi operam dare: dummodo tamen sua venatione neminem grauent; & ea, quæ ad pietatem & officium suum faciunt, propter venationem non negligant; & nihil tandem venationis causa, quod D E V M vel proximum offendat, committant. At quod in multis & magnis venationibus nō facilè hæc omnia evitentur vel obseruentur, fit, ut raro admodum sanctificantur, qui multum venantur. Esau, scribit Hieronymus, venator erat, quoniam peccator erat. Et penitus nō inuenimus in Scripturis sanctis sanctum aliquem venatorem; pescatores inuenimus sanctos.

TURIBVS lucris, quæ ita tamen sunt affecta, vt in legitimā eleemosynarum materiam cōuerti queant, illud quoq; accenseri solet, quod alea, vel alius ludus iure inhibitus, vel non fatis approbatus acquisiuit. Hoc tamen hæc lucre à cæteris, quorum paulo

Veteres Patres
nullum venatio-
nis genus lau-
dant.

In multis & ma-
gnis venationi-
bus difficulter
evitatur pecca-
tum.
Esau d. 86.

**Quod alea, vel
alias eiusmodi
ludus peperit,
non semper in
eleemosynæ o-
pus cōuerteri po-
test.**

antè meminimus, discrepant, quòd restitutio frequenter sint obnoxia; vt cùm ex eo obuenerunt, qui ab alienare non poterat; vel quia nihil proprij, quod perderet, habebat; vel quia sui iuris, aut sanx mentis, aut artis lusoriæ gnarus non erat; vel quòd do-
lo, aut fraude circumuentus, aut quòd vi metuue ad ludendum
adactus fuerat.

D e Ariolis tandem, Sortilegis, Chiromanticis, cæterisque diuinatoribus, eorundemq; lucris idem statuas, quod de reliquis turpibus lucris & lucrionibus. Nam etsi illorum professio sit fœda, seuerissimèque inhibita, nihilominus eleemosyna, quæ ex diuinatorio quæstu impenditur, non est mala, aut lege aliqua prohibita. C O N S T A T itaq; generali quadā ratione, ex quibus rebus eleemosynam donare liceat, & ex quibus rursu id non liceat. Accurata autem rei huius tractatio tota pendet ex controuersia de restitutione, quæ alium locum exigit.

*De iis, quibus eleemosynaria præsidia salubriter adminis-
tratur, vel non adminis-
trantur.*

C A P V T N O N V M.

EXPOSITVM est, qui eleemosynam largiri debeant, & iure queant; tum ex quibus rebus egenis benignè facere licet, & è quibus id rursu non licet; proximum est, vt explanemus, quibus paupibus eleemosynarum adminicula impendenda sint, & quibus eadem vel non impendenda, vel parciū impendenda sunt. Hoc aut perspicuè & commodè vt fiat, pauca quædā de pauperum discriminē hīc præmittere placet. Nam etsi iam antè, cùm nimirum de varia diuitum conditione disputabamus, nonnulla rei huius inciderit mentio, eget tamen explicatione aliquantò maiori.

**Triplex paupe-
rum genus.**

**Non omnium
spontaneorum
pauperum idem
est scopus.**

E s t itaque triplex pauperum genus: Vnum spontaneum, alterum coactitum & quasi inuitum, tertium medio modo affectum, hoc est, neque omnino spontaneum, neque tamen quoque profus inuitum. Spontaneorum autem, alij bona, alij mala voluntate sunt eiusmodi. Bona voluntate voluntariam paupertatem complectuntur, qui C H R I S T I consilium, Apostolorumque ac aliorum quamplurimorum Sanctorum exemplum æmulati,